

JAVNI POZIV ZA ODABIR KONSULTANTA ZA PRAĆENJE (MONITORING) PROJEKATA U ISTOČNOM SARAJEVU I MOSTARU

Savez općina i gradova Federacije Bosne i Hercegovine (Savez) u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“ raspisuje javni poziv za izbor konsultanta / konsultanata za praćenje projekata organizacija civilnog društva (OCD) u gradovima Istočno Sarajevo i Mostar.

Aktivnosti projekta Podrška razvoju uslužno orijentisane lokalne samouprave u Federaciji Bosne i Hercegovine se provode u okviru „Regionalnog programa lokalne demokratije na Zapadnom Balkanu 2“ (ReLOaD2), koji finansira Evropska unija (EU), a implementira Razvojni program Ujedinjenih nacija (UNDP).

Cilj ReLOaD2 projekta je jačanje participativne demokratije i EU integracija na Zapadnom Balkanu, putem osnaživanja civilnog društva i podsticanja mladih na aktivno sudjelovanje u procesu donošenju odluka, uz jačanje partnerstava lokalnih vlasti i civilnog društva širenjem uspješnog modela transparentnog projektnog finansiranja OCD putem LOD metodologije.¹

Cilj zadatka je praćenje realizacije projekata OCD koji su dodijeljeni u okviru javnog poziva kojeg su objavile i finansiraju jedinice lokalne samouprave (JLS). Praćenjem projekata želi se osigurati uvid u ispunjavanje svih potrebnih procedura i pružiti smjernice za pravilno sprovođenje ugovornih obaveza. Zadatak također uključuje obuku na radnom mjestu i mentorstvo za predstavnike JLS kako bi stekli dodatne vještine i znanja za praćenje projekata OCD.

U tom kontekstu, do 2 konsultanta, po jedan u svakoj lokalnoj samoupravi (Mostar i Istočno Sarajevo), biće angažovana za praćenje realizacije projekata OCD.

Kandidati se mogu prijaviti za obje JLS, a ponude za svaku JLS moraju biti podnijete posebno, navodeći konsultantsku naknadu, putne troškove i sve ostale povezane troškove u bruto iznosu.

Raspodjela konsultantskih dana po JLS je sljedeća:

- Istočno Sarajevo - do 20 radnih dana
- Mostar - do 14 radnih dana

Opis zadatka

Konsultant će biti odgovoran za praćenje projekata OCD u dvije partnerske JLS, s ciljem otkrivanja izazova i predlaganja prilagođenog pristupa kako bi se osigurala uspješna implementacija projekata OCD. Radiće na jačanju kapaciteta i vještina OCD za implementaciju svojih projekata u skladu sa zahtjevima LOD metodologije i praksi uspostavljenih u ove dvije JLS u okviru ReLOaD2 projekta. Imajući na umu da će

¹ U Bosni i Hercegovini, ReLOaD2 projekat saraduje sa 13 jedinica lokalne samouprave: Bihać, Centar Sarajevo, Gacko, Goražde, Gradiška, Istočno Sarajevo, Mostar, Novo Sarajevo, Prijedor, Prozor-Rama, Rudo, Ugljevik i Vitez.



monitoring posjete obavljati zajednički odabrani konsultant i predstavnici JLS, ovo će poslužiti kao obuka na radnom mjestu i mentorstvo za predstavnike lokalne samouprave u oblasti praćenja projekata OCD.

S obzirom na navedeno, od Konsultanta se očekuje da obavlja sljedeće poslove:

Zadatak 1. Istraživanje (Desk review)

Zadatak 2: Monitoring projekata OCD koji se sprovode u partnerskim JLS

Zadatak 3. Završno izvještavanje

Zadatak 1. Istraživanje (Desk review)

U okviru ovog zadatka, konsultant će:

- Pregledati smjernice za implementaciju projektnih prijedloga OCD; pregledati prijedloge projekata OCD, ugovore i sve druge dokumente relevantne za zadatak koje obezbeđuju JLS;
- Predložiti detaljan mjesečni plan rada koji navodi pristup monitoringu. Plan rada će biti dostavljen Savezu / ReLOaD2 na odobrenje.

Nakon toga će uslijediti konsultacije i orijentacijski sastanak sa Savezom / ReLOaD2 timom kako bi se utvrdili standardi za pripremu izvještaja o monitoringu i podrška OCD-ima i predstavnicima JLS. Savez / ReLOaD2 tim će uspostaviti komunikaciju između konsultanta i predstavnika JLS. Konsultant će održavati stalnu komunikaciju i saradnju sa JLS.

Procjenjuje se da su za realizaciju ove aktivnosti potrebna 2 (dva) radna dana za svaku od JLS, a rok za izvršenje ovog zadatka je 3. decembar 2023. godine.

Zadatak 2. Monitoring projekata OCD koji se sprovode u partnerskim JLS

U skladu sa aktivnostima i vremenskim planom definisanim u okviru Zadatka 1, konsultant će sprovesti monitoring projekata OCD, koji su odabrani putem javnog poziva objavljenog i finansiranog u partnerskim JLS. Kao dio ovog procesa, konsultant će raditi na sljedeći način:

- Do tri monitoring posjete svakoj OCD, u zavisnosti od faze implementacije dobijenog projekta. Posjete za praćenje će služiti za verifikaciju finansijskih i narativnih izvještaja i podataka prikupljenih u okviru izvještavanja OCD-a JLS. Za OCD koji još nisu predali izvještaje o napretku, osnovne informacije iz projektnih prijedloga će se koristiti za procjenu valjanosti pristupa implementaciji projekta.
- Uključiti predstavnike JLS u proces monitoringa, uključujući posjete na terenu i obezbijediti obuku na radnom mjestu i mentorstvo u oblasti praćenja projekata zasnovanih na rezultatima.
- Konsultant će predstavnicima OCD dostaviti nalaze u vezi sa efektivnošću njihovih projekata, kao što su: koliko su dobro došli do ciljnih grupa ili koliko su uspjeli uspostaviti planiranu saradnju sa svojim partnerima, institucijama i/ili konsultantima. Posebna pažnja će biti posvećena modalitetima i tehnikama implementacije projekta.
- Pružiti smjernice za OCD, na osnovu nedostataka uočenih kroz proces monitoringa, kako bi se osiguralo da se aktivnostima upravlja u skladu sa zahtjevima implementacije. Ovo će uključivati identifikaciju potencijalnih rizika, prijedlog mjera za ublažavanje, kao i uputstva o tome kako objektivno provjeriti napredak u odnosu na indikatore.

Konsultant će pružati periodična ažuriranja/nacrte izvještaja, kako bude dogovoreno sa osobljem Saveza / ReLOaD2 tokom uvodnog sastanka.

Nakon svake monitoring posjete, konsultant je dužan podnijeti izvještaj o monitoringu na terenu koji mora uključivati sve informacije relevantne za tekuće projekte koje sprovode OCD. Obrazac monitoring izvještaja

će dostaviti Savez / ReLOaD2 projekat. Izvještaje treba da potpišu predstavnici OCD i JLS. Izvještaji se dostavljaju blagovremeno, najkasnije 48 sati nakon obavljene monitoring posjete.

Monitoring izvještaj će sadržavati detaljne opisne i numeričke podatke i uključivat će sljedeće informacije:

- Opšte informacije o OCD i projektu koji se realizuje,
- Pojediniosti o projektnim aktivnostima, postizanju projektnih indikatora kako je navedeno u odobrenim projektnim prijedlozima,
- Detalji o svim finansijskim troškovima i procedurama,
- Identificirane rizike praćene cjelokupnom procjenom rizika projekta,
- Prijedloge mjera za ublažavanje rizika.

Izvještaji treba da budu praćeni narativnim i finansijskim izvještajima OCD.

Procjenjuje se da ovaj zadatak treba biti realizovan do 6. marta 2024. godine, a broj radnih dana za svaku od JLS je: Istočno Sarajevo – 16 dana, a Mostar 10 dana.

Zadatak 3. Završno izvještavanje

Konsultant će pripremiti završni izvještaj koji će integrirati ključne nalaze iz izvještaja za svaku lokalnu samoupravu, kao što su broj praćenih projekata OCD, broj posjeta za praćenje, kapacitet OCD za implementaciju projekta, naučene lekcije i preporuke za budućnost. Konkretna struktura i sadržaj izvještaja biće usaglašena u saradnji sa Savezom / ReLOaD2 projektom. Izvještaj se dostavlja Savezu / projektnom timu ReLOaD2 na jednom od službenih jezika u Bosni i Hercegovini (MS Word elektronska verzija). Konačna verzija izvještaja mora uzeti u obzir sve komentare date od strane Saveza / ReLOaD2 projekta i osigurati konačno odobrenje Saveza / ReLOaD2 tima.

Procjenjuje se da su za realizaciju ove aktivnosti potrebna 2 (dva) radna dana za svaku od JLS, a rok za izvršenje ovog zadatka je 20. mart 2024. godine.

Od konsultanta se očekuje da posjeduje sljedeće kvalifikacije:

- Najmanje 3 godine relevantnog iskustva u oblasti monitoringa i upravljanja projektima (PCM) u Bosni i Hercegovini;
- Potrebno je prethodno iskustvo u razvoju kapaciteta organizacija civilnog društva u oblasti lokalne uprave, lokalnog razvoja, učešća javnosti i javnog nadzora;
- Prethodno iskustvo u pružanju tehničke podrške jedinicama lokalne samouprave relevantne za ovaj zadatak i drugim administrativnim nivoima u Bosni i Hercegovini.
- Posjeduje tehničke vještine pisanja izvještaja i predstavlja informacije na jasan i artikulisan način

Opšti uslovi:

- Da je državljanin Bosne i Hercegovine;
- Da je stariji od 18 godina.

Potencijalni kandidati su dužni dostaviti sljedeće dokumente:

- Biografiju (CV) na jednom od službenih jezika u Bosni i Hercegovini, sa posebnim naglaskom na oblast javnog poziva;
- Referentnu listu kojom se dokazuju očekivane kvalifikacije;
- Popunjen prijavni obrazac;
- Kopiju lične karte;
- Diplomu visoke stručne spreme;
- Finansijsku ponudu u kojoj se navodi bruto naknada za konsultantske usluge, putne troškove i sve ostale povezane troškove.
- i drugu dokumentaciju kojom se može dokazati posjedovanje kvalifikacija za vršenje ekspertskih usluga iz oblasti za koju je raspisan javni poziv.

Finansijsku ponudu, uz priložene tražene dokumente, dostaviti putem e-maila na dino@sogfbih.ba ili pošte na sljedeću adresu:

Savez općina i gradova Federacije Bosne i Hercegovine

Adresa: Musala br.5, 71 000 Sarajevo

s naznakom „Za javni poziv – monitoring OCD“, **najkasnije do 21.11.2023. godine do 16h.**

Za dodatne informacije, zainteresirani se mogu javiti na telefon broj: 033 216 502, kontakt osoba je Edin Demirović.

Nepotpune i neblagovremene prijave neće se uzeti u razmatranje.

Obrazac za prijavljivanje možete preuzeti na web stranici Saveza: www.sogfbih.ba